

四庫全書

集部

欽定四庫全書

兩宋名賢小集卷一百六十八

宋 陳思 編

元 陳世隆 補

梅谿詩集八

銅陵阻風

江入銅陵縣舟藏蘆葦間郵亭危壓浦佛屋陋依山月  
出烏將繞風高鴈欲還江山不貧處一覽見塵寰

山有富覽

亭

離宣城天色陰晦望羣山不見樞公和詩見寄復

用前韻

聖恩猶未許投閒遙訪蘋洲柳與顏昇婦解將風送月  
麻姑莫遣雨遮山心游孤嶼題詩處名玷元樞薦墨間

汪薦九人  
時某與焉

旦夕公歸首台鼎高齋遺躅儻容攀

讀喻叔奇游廬山詩

前年我亦到廬山杖屨煙霞縹緲間萬里東歸如倦鳥

不知飛過只知還

路經湓浦歎忽忽不及從君訪遠公忽見廬山真面目  
在君二十一詩中

十月晦日會凌李文沈德和二尚書劉汝一大諫

于六客堂

夢寐思賢願與齊一麾來守浙江西星躔舊識尚書履

凌為更侍時  
某為司封郎

王府曾親太一藜

劉為校書郎  
某忝同舍

天遣門生

依坐主

某補戴公試解  
試皆沈主文

心隨峽水注苔溪邦人異日談

遺事名姓應同六客題

晦日會于六客堂者十二人

湖山清絕多佳士  
暇日壺觴得共攜  
堂上合成前後客  
詩中分得建除題  
不容閑位叅卿月  
坐覺巫山在雲溪  
麟閣功名屬公輩  
老夫惟願把鋤犁

寄當塗吳給事明可

鄉校當年與薦蕭  
臺氣象自公新  
老成猶滯甘泉索  
晚進叨乘刺史輪  
陸凱寄梅情愈重  
謝公夢草句尤神

何時更作龍門客共話樽前見在身

勞農峴山乘興游何山同行宋子飛沈虞卿霍從

周范文質

去秋游道場俯仰何山路林泉雖在眼未暇飛杖履塵埃泊城市遙望隔煙霧春光忽已半攜榼催農務欲作卞山行偶逢風伯怒肩輿出城南乘興訪幽趣山藏佛屋深迹躡陳朝古老松不記年修竹莫知數鳥鳴說法池花落在禪處書室何公堂木拱安定墓青山看未足

回首日已暮小溪何處是歸誦謫仙句

登清風樓呈通判宋子飛

苔雪水會處樓高風快哉洲中白蘋動天半故人來穆

入周臣頌雄勝楚客臺飄飄玉川子乘興上蓬萊

時某得祠

子飛攝郡事酌別是樓子飛亦將矣解故章未及之

蕭家渡

渡頭問舟子此渡何名蕭舟子笑答我使君家匪遙豈  
不聞侍郎名德重本朝屢為二千石兩至萬里橋渡旁

乃其宅人亡木惟喬陰德滿鄉閭嘉話傳漁樵江水流  
有盡姓名磨不消近同池號謝遠類江稱姚報顏謝舟  
子講聞非一朝恨生晚且賤無繇際清標坡公不識范  
韓子思之僑敬瞻道德門魂往不可招

過蔡端明故居

懷章南過蔡公鄉駐馬遙瞻數仞牆丹荔株株經品藻  
喬松葉葉惠清涼四賢詩出人增氣三諫章成國有光  
真是濟川三昧手清源游戲作虹梁

送赴省諸子

國朝人物盛溫陵秋賦呦呦鹿食萍人倍平原門下士  
三十文聯韓愈榜中名丹墀何止三千字雲翼行看九  
萬人  
萬程勸駕龍鍾老太守籃輿準擬出郊迎

諸公廷對甫過復用前韻

清源紫帽發英靈萬斛詞源水注溟遙想恩袍動草色  
定知喜氣徹天庭名高虎榜唐文傑人半雲臺漢列星  
累月笞兒幾翁嫗夜深燈火督窮經

提舶欲移厨過雲榭示詩次韻

雨中前日過蘇端又欲移厨就稍寬古榭有風聊可共  
衰顏得酒定須丹謫仙醉後句尤勁東野老來詩更寒  
記取洛中真率會他年要作畫圖看

贈第二人石察判

起宗

策冠諸儒已奏聞不妨居次避平津坐看萬石門關大  
居萬石坊轉覺朋山氣象新黃卷更窮稽古力青雲莫負致  
君身試觀忠獻堂中像亦是當時第二人

韓魏公生於泉南州宅故未有祠於典為闕郡園  
有庵名大隱即之以祠八月戊子率同僚祀之

天開我宋太平基紫府真人下應期河朔魁梧出真相  
泉南葱鬱產奇兒夢符蚌腹生珠夜事應台躔捧日時  
紫帽清源發光彩郡園深處立新祠

陳提刑永仲以清名室志先德也詩以美之

名考則

龐公嘗有言我獨遺以清賢者於子孫所遺良不輕賴  
川老龍公落落前朝英帝命作南伯清德如廣平宸翰

一字褒不啻華袞榮是以自賢孫持節蜚英聲結廬桐  
城隅室以清為名仰不忝厥祖俯能規後生我來聚星  
地喜見此老成公清不自言藹然著卿評時焉訪其室  
鄙吝不敢萌如覲任棠水似濯滄浪纓願移清室風于  
以清褰瀛

乞祠不允三十韻

微臣守清源一歲三乞祠俞音竟未拜感荷聖主慈臣  
家素賤貧仰祿救啼饑區區六年間手把四郡麾道途

厭奔走囊橐無餘貲清源乃佳郡風俗不待移民淳簡  
獄訟士盛敦書詩地遠可藏拙祿厚足自資今歲又豐  
登千里人熙熙臣豈不願仕求閒欲奚為自憐螻蟻生  
福薄命最奇入境身卽病到官日呼醫痰癰每上交旋  
暈勢甚危藥試何止百灼艾無全肌臂疼如子美齒落  
如退之脚患柳州腫髮垂孟郊絲飲食日減少跬步須  
扶持殘喘雖尚延定非久遠期況臣糟糠妻蓋棺將及  
暮旅櫬猶未還兒女晝夜悲臣今官滿考臣去有二宜

孰謂九重遠天高而聽卑吾君不之告肝膽將誰披廟  
堂二三公誤辱平日知今不憐向隅恩復何時施願於  
黼床前敷奏迫切詞天日臨在上臣言非敢欺解官食  
祠祿曲遂臣之私幽明俱受賜感極涕泗垂溝壑儻未  
填報國猶有時

薛士昭寄新柑分贈知宗提舶知宗有詩次韻

書後誰題字鄉人遠寄柑薦新思起孝知味戒生貪羅  
帕分猶未金門獻正堪命名聊別偽

溫柑號  
真柑

在果獨稱

欽定四庫全書

卷一百六十八

甘

化果非無甘者惟相子以甘得名言最甘也

白雪初盈樹黃金忽滿籃霜

天欣始熟茅舍飽相諳客重開須請兒癡食更婪柳詩吟不厭謝賦讀常耽若蜜萍難比如拳栗有慙公家安定法想見日酣酣

知宗柑詩用韻頗險予既和之復取所未用之韻

續賦一首三十韻

書閱揚州貢功觀禹化覃香苞分橘柚秋色動江潭

李德

裕橘賦動江潭之秋色

破暑花凝雪凌寒葉染藍金衣愛日照

唐宰

相賀柑子未云綠  
珠實碧波涵  
柳子厚詩何人摘實見垂珠  
未上諸

侯記曾聞四皓談  
顏歡陸績母業世  
李衡男送客愈吟

桂  
韓退之送桂州嚴大夫詩云家自種黃柑  
記時坡詠儋  
東坡作儋耳詩一年好處君須記正

是橙黃  
洞庭夸浙右  
溫郡冠江南  
節物清霜重  
家山綠

帶含青黃出籬落  
朱綠耀林嵐  
柳子厚詩密林耀朱綠坡詩竹籬茅舍出

黃  
昔貢千金顆  
遙馳萬里函  
宣政間溫州貢柑每顆有一二千  
新宜薦

寢廟香可供  
瞿曇夔子那能比  
羅浮未許參  
予往在夔府食黃柑

味頗佳然不及溫柑  
遠甚去冬至泉州始食羅浮柑  
又遠不及夔子何人傳黃陸端類列

非聊在品寧為四

季直方第果實名柑子第四

蒙恩或賜三

李德裕賦序上

賜宰臣等朱橘各三枚

鄉情寄初熟旅況憶幽探嘉拜親開盒珍

藏淨洗甌

甌瓦器也新柑貯以瓦器則久而不爛

行將解印綬歸種當田

蠶根向橫陽覓

溫柑以平陽縣泥山為最

泥尋斤鹵擔

種柑宜鹹地

荒蕪

耘徑草封植伴溪楠不用千頭富聊資一餉湛茅齋闕

杜甫仙井汲蘇耽

神仙蘇耽鑿井種橘

佳境妙餐蔗閨庭勝蒔昔

昔甘草也醫家謂之國老柳子厚詩蒔藥閉庭延國老

鴈行三峽荔奴視四明蚶

欲繼花為譜

歐公作壯丹譜

應同柳駐驂

歐公柳詩攀條莫惜駐征鞍

禦偷籬

著棘愁凍灌添泔

泔米汁也鄉人冬月用以灌柑

掩映青雲葉光華

碧玉簪釀成浮甕蟻蒸辟蠹書蟬

甘橘花蒸以為香可辟木書之蠹

護

帶期存乳

相欲致遠必以蠟塗其帶

留皮欲去痰

皮能下氣醫家用以治痰

恨無

親可遺松慘白巖庵

重修北樓十一月望日與郡僚同登因書十二韻

我昔未作南諸侯雄文嘗閱龍虎歐泉山風物得大畧  
夢寐先已登茲樓到官正要訪遺迹忽見破屋城牆陬  
欲修不敢遽土木經歲此志方能酬貢闡之餘材可辦

農事之隙工乃鳩月逢建子飛破鏡酒呼從事來青州  
忽忽未暇衆賓集草草且與同僚游山川城郭壯哉郡  
清源紫帽明雙眸却驚雲榭在地底坐見日轂經簷頭  
西山端可柱頰視南海未用乘桴浮東瞻歸路興元亮  
北望魏闕心子牟揮毫欲續仲宣賦假日聊以銷吾憂  
諸公和詩復用前韻

敬眠聽詩韓喜侯鋒難與爭劍鑄歐鈐齋淺陋無處著  
掛在縹緲之飛樓茲樓久欠詩酒味天遣我輩來遐陬

塵埃聊用文字洗瓦礫遂獲瓊瑤酬賓朋未嘗合開燕

老病欲登宜杖鳩清風酌別記雲水

湖州有清風樓

制勝領客

思夔州

夔州有制勝樓

一江明月楚東醉

饒州有鄱陽樓楚東閣范文正公詩云一

江明月全家終日蓬萊游

會稽有蓬萊閣予為幕客嘗挈家以游元微之詩云全家

終日在樓臺

南來不謂有此境四顧亦足窮吾眸朝看日出

閩海嶠夜望斗插泉山頭端如號郡風月送

退之號州北樓詩

不比巴岳乾坤浮登臨懷古甫白適賦詠聯珠產輦車

私心竊慕范文正後天下樂先其憂

題徐致政菊坡圖

名壽仁  
字子由

南方有高士仁義偃王裔家山闢幽坡手取香草藝秋  
至有黃華采采滿衣袂客來酒盈尊詩出語驚世無心  
學淵明偶與淵明契靜者年自長頹齡不須制高懷恥  
獨樂地遠人罕詣丹青寫佳境有目皆可睨吾家鮮鮮  
徑荒蕪屢經歲儒冠誤此身掛之公得計

石筍橋

刺桐為城石為筍萬壑西來流不盡黃龍窟宅占中流

呼吸風濤勢湍緊怒潮拍岸鳴霹靂淫潦滔天沒畦畛  
行人欲渡無翼飛魚腹蛟涎吁可閔二三大士為時出  
目覩狂瀾心不忍小試閉居濟川手遠水孤舟寇忠愍  
亦有山僧願力深

僧文繪等  
董其從

解使邦人指倉困五丁挽

石投浩渺萬指礪山登嶮嶙辛勤填海效精衛突兀橫  
空飛海蜃趾牢千尺鮫人室護以兩旁獅子楸南通百  
粵比三吳擔負輿肩走駝北論功不減商舟楫遺利宜  
書漢平準莫將風月比揚州二十四橋真蠹蠹我時出

郊春雨後鷺點沙汀颺鷹隼江亭矯首獨遐觀有客南

來盃共引

是日迂龔實  
之火憩江亭

欲詠河梁擬蘇李頗類鑑湖逢

元稹江山不逢賢太守袖手沈吟覺才窘況無鐵筆擬

端明徒使時人笑蚯蚓繡衣屢約吾來游未遂堪嗟德

星隕鄉來嘗以記屬我固避勞辭慙不敏傳聞江欲飛

棟初異論紛紛互矛盾世無剛者橋宣成名與萬安同

不泯

諸公餞別分韻得人字

清源古名郡守土宜擇人何為不才者兩載乘朱輪政  
拙歲多旱民愁眉日顰賴茲仁厚俗容我老病身乞祠  
竟不允易郡俄得鄰雅懷上冢願偶有還鄉因賓僚共  
呼酒有救嘉且新展餞選士場語離庚伏辰清風屢吹  
衣暑雨微灑塵驪駒沸盈門維鷗飛入脣我亦重惜別  
不辭勸酬頻諸君如神魚行奮六六鱗學士倍登瀛郡  
符同治秦我如倦蜚鳥野性難籠馴舊巢尋故山一枝  
老荆榛官居類郵傳誰能久相親但願各勉力相期作

純臣

贈陳體仁

我來守清源德星識二陳大陳如金玉一室清無塵  
厭世不肯留至今里稱仁儒先賀州守才氣超等倫  
曾中包古今筆下真有神唾手取甲科齒髮方青春  
聲名滿天下文字驚縉紳勞人暫州縣平步當要津  
蹉跎忽至今此志猶未伸真人奉香火蕭寺含悲辛  
講席延諸生黃卷訶古人異端斥佛老吾道鳴孟荀  
聊藉束脩禮少

資囊橐貧我忝二千石二年牧斯民不能助玉川恥與  
韓公均贈我詩與文字字字皆可珍寵褒恨太過感激難  
具論願公少自愛行矣當致身門下有高第廟堂手經  
綸房魏方得君詎肯忘河汾

兩宋名賢小集卷一百六十八

欽定四庫全書

兩宋名賢小集卷一百六十九

宋 陳思 編

元 陳世隆 補

李文簡詩集

李燾字仁甫蜀之丹稜人唐宗室曹王臯之後紹興  
進士歷官秘閣修撰同修國史以雷震建言上嘉其  
讜直賜金紫拜禮部侍郎除敷文閣學士致仕卒贈

太師諡文簡性剛大特立獨任張南軒嘗曰李仁甫  
如霜松雪栢著有資治通鑑長編一百八卷

從何使君父子遊墨池分韻得名字

蜀學擅天下馬王先得名簣如巧言語於是蓋小成子  
雲最後出振策思遐征斯丈大一統歛使聖域清富貴  
盡在我紱冕非所榮旁皇天祿閣聊亦觀我生懷哉不  
能歸舊宅荒榛荆寂寞竟誰顧正路今莫行使君蓬萊  
仙盼節歸赤城門無俗賓客家有賢父兄慨念此耆老

不登漢公卿臨池一罇酒尚友千載英拜呼嚴與李月  
旦共細評區區可無憾彼重適我輕趨來成都市塵土  
污冠纓古人不可見見此眼自明請為懷古詩玉振而  
金聲

題籠鵲山房

已作清時鳥倦飛杜鵑更勸阿誰歸似嫌住處猶城郭  
不解攜家隱翠微

客懷

寂寞三秋節淒涼萬里風關河盡形勝人物幾英雄秦  
葉隨流水周禾滿故宮此心懸象闕夢繞浙西東

久客厭塵土幽居懷翠微只餘清夜夢長作故山歸菊  
已開三逕松應長十圍晨鐘忽驚覺猶有露沾衣  
壯矣府中縣索如城外村墨池今掃迹石筍舊餘根風  
急漢絃斷雨多秦鏡昏新秋一懷古情緒若為論

靈雲巖

路轉層岡十里餘武陵傳者亦難如昔年煉藥仙人室

今日餐霞道士居洞外  
蟠花開錦繡巖前石溜漱瓊琚  
猗歟靈氣為時雨  
可惜圖經闕不書

欽定四庫全書

四庫全書  
卷一百六十九

兩宋名賢小集卷一百六十九

欽定四庫全書

兩宋名賢小集卷一百七十

宋 陳思 編

元 陳世隆 補

文杏山房雜藁

鄭克已字仁叔青田人淳熙中進士仕至福建提刑

司幹官

過大浪灘

急浪吹飛雪，鳴篙破曉灘。  
異鄉人易老，行路古來難。  
玉露晨初濕，天河夜不乾。  
飄流雙鬢白，未有一枝安。

水閣

水閣臨堤晚，簾鉤暖翠通。  
睡驚鶯去後，夢到蝶邊春。  
欲從人別花，消昨日紅多。  
情湖上浪，拍拍戀東風。

初月

初月當樓動，風簾倚望斜。  
光虧微有暈，桂薄不成花。  
雲淡明林葉，溪清印岸沙。  
去年寒露白，旅食在京華。

水國

水國烟霞客春來始定居老逢人事懶貧覺舊交疎  
隙影窺蟾滴芸香散篋書西湖風月好不到一年餘

送中書王舍人使壯

細馬縷金鞍文星使可汗袖中天詔重帳外節毛寒  
烽火燕城急塵沙朔野寬安邊在大體何必斬樓蘭

飄轉

飄轉未歸客風帆不夜舟斷雲依水定薄月帶沙流  
香

倚黃花岸心清白露秋林鴟棲未穩飛亂北山頭

浙江十六夜對月

急檠浮天濶長江得月遲最憐新缺後全勝未圓時夜  
雪潮千尺秋風桂一枝潛蛟易翻動怨笛莫驚吹

架壁

架壁珍藏萬古書世間清絕在吾廬綠瓶香破分家釀  
曲園雲開剪露蔬白日漸隨秋意短故人盡向老來疎  
今年種得回蜂菊亂點東籬玉不如

青衫

青衫著破禁中羅  
楚澤吳江幾度過  
仕宦宛如杯水澹  
朝廷空有故人多  
漁村疎竹明風旆  
烟浦斜陽起暮歌  
欲買田園歸海上  
此身無奈客愁何

過李老隱居

南渡中興老幽棲  
日月長買山供杖履  
引水到池塘習  
懶今成癖貪盃剝欲狂  
相過舊賓客不換野衣裳

旅中遇故人

雲薄清溪水天寒黃葉風鄉闕三載別客路一樽同舊  
事如昨日問年俱老翁相看今古意淚冷菊花叢

別蔣世修


傳道賢關客尋山向會稽春風千里別花路寸心迷天  
倚吳江澗雲隨禹穴低蘭亭得遺墨為我好封題

繫纜

繫纜縈回浪昏林入暮鷗水窮人有路天盡客無家蕉  
葉浮春蟻魚歌隔浦沙醉眠星斗下尋夢卜年華

憶別

憶別富公子山桃兩度花  
人情皆念舊客路不如家  
野草連天濶重山抱日斜  
寄書無過鴈愁眼眩飛鴉



兩宋名賢小集卷一百七十

欽定四庫全書

集部

兩宋名賢小集卷一百七十一至

詳校官中書臣閔思毅

助教臣常循覆勘

總校官編修臣王燕緒

校對官助教臣汪錫魁

謄錄監生臣朱恩

欽定四庫全書

兩宋名賢小集卷一百七十一

宋 陳思 編

元 陳世隆 補

椒亭小集

康輿之字伯可嘉興人建炎中駕駐維揚輿之上中興十策聲名大振宰相汪黃輩不能用及秦檜當國擢為臺郎專應制善為樂府時以柳耆卿目之有詞

五卷凡中興粉飾治具及慈寧歸養兩宮歡集必假伯可之歌咏嘗與檜對局格天閣下檜戲曰此卒渡河是爾將軍之疥癩伯可應曰今皇御極視公宰相如腹心檜大喜撤碁酣飲而罷檜死與之亦謫五羊名勝志云番禺縣玉虹洞之南曰聚龍岡宋嘉興人康與之流五羊時居此程史載其在高宗時與左璫狎適睿思殿有徽宗御畫扇上時持玩流涕璫偶下直竊攜至家而康適來留之燕飲出以示康康紿璫

入取肴核輒泚筆書一絕於上即玉輦神遊之句也  
璫出見之大恐而康已醉無可奈何明日伺間叩頭  
請死上大怒亟取視之天顏頓霽但一慟而已

題徽宗宸翰

玉輦宸遊事已空尚餘奎藻繪春風年年花鳥無窮恨  
盡在蒼梧夕照中

遊慧力寺

在清江縣

天涯芳草盡綠路旁柳絮爭飛啼鳥一聲春晚落花滿

地人歸

江上濃陰曉未開  
瘦筇支我上蒼苔  
春寒前日去已盡  
今日又從何處來

僻居

巷僻過從少  
柴門盡日關  
鶯聲常在柳  
雲影不離山  
有道難言<sub>缺</sub>  
雖貧未厭閒  
川原煙四暝  
春思有無間

鷺

春暗汀洲杜若香  
風標公子白霓裳  
碧天片雪忽飛去

何處人家水滿塘

琵琶

夜深琵琶聲似裂一曲霓裳一度月曲終人影在西階  
困倚東風步搖折

可惜

簾幕重重下玉鈎隔簾春在柳梢頭東風著意相料理  
吹去楊花不自由

鶴舒臺

白雲深處路崎嶇鶴去臺空景物殊山展翠屏連紫幕  
泉分清溜滴明珠道人祇問丹砂井隱客猶尋九節蒲  
試問葛仙仙去後至今遺蹟事如何

招真詞

并記

自姑蘇出齊門沿而北望山如巨鰲盖常熟縣之虞  
山也邑去江不及一程陂湖畝澮之積自南至者傾  
駢會於江江河既應則迅瀾倒流二水相制移時而  
不能去山無奇谷惟荒墟白草醜石散亂陂陀迤邐

而西有修竹橫林隱見於兩山之間其中為招真菴  
元祐中道人申氏秦陵徐處士弟子也松林森茂亭  
宇簡寂如隱君子之居通州道士喻抱元增治之舊  
名竹林至是更以招真請記於僕乃歌招真之詞以  
系之曰

白鶴巢兮丹井空蓬山杳兮煙霞濛濛陵谷變兮今古木  
葉下兮秋風飛仙去兮朝太微黃冠野服兮以遊以嬉  
食霞臥月兮世不我違與世滌映兮天門可馳蒼龍嗥

兮雲漫靡石泉冽兮山芋肥俯仰宇宙兮日月蔽虧靈  
秀回薄兮野芳呈姿山中之樂兮萬化莫移仙人不來  
兮隱者曷歸

嚴陵懷古

建武中興寶運開股肱俱是濟時才漢家鼎祚如磐石  
此老方圖拂袖來

玉虹洞二首

睡起踈簾一半開更無人迹過青苔須臾蒼狗風前變

雷雨驅潮出海來

滿山一夜風篴響透屋三更月露寒自掩殘書推枕睡  
江湖秋夢水雲寬

兩宋名賢小集卷一百七十一

欽定四庫全書

兩宋名賢小集卷一百七十二

宋 陳思 編

元 陳世隆 補

梅山小稿

姜特立字邦傑麗水人靖康中父綬死難補承信郎  
孝宗召試為太子春坊知閣門事累官浙東總管寧  
遠軍節度使以詩名有梅山藁六卷續藁十五卷

直舍作小砌

直廬迨高墉隙土止尋丈  
圻人累殘甃園叟舁新壤  
方成一簣積已覺寸心爽  
餘芳分禁掖疎翠眇林莽  
雖無昆閬趣便有濠濮想  
繞吟消永日靜對延孤賞  
聊成兒女劇終契山林往  
為語平泉公經營無太廣

風露亭

萬物冒春暉紅紫競芳節  
惟此玉井蓮迥與衆品別  
雅受冷風吹復愛露華潔  
亭亭立波上晚意頗愁絕  
疑是

姑射仙半夜集瑶闕清虛不染塵  
瀟灑更宜月我慚窮陋質對此冰  
與雪安得謫仙人超遙俯清澈把酒  
一高吟玉色相映發

再賦醒心亭

小橋枕滄灣一水繞清激橫來莫知源  
委去無尋跡戲魚時渡淺好鳥忽鳴寂  
堂砌隱空磴竹樹閤寒碧朝飛溢朱拱  
倒影汎瑶席仰窺一徑上始覺藏深僻  
尚憶客中行盤嶠倦登陟峰迴路忽下  
溪館曾休息高低相掩

映景趣無終極竭來坐忘疲欲去或窮夕安得青霞人  
共此白雲適

寄方叔

落葉滿滄灣墜露濕疎柳幽人曉無事杖策經林阜忽  
焉若有省懷此山中友便欲借風翰翩翩插雙肘

翫月

天風忽披拂覺來襟袂清雲片玉鱗薄月華金暈生曾  
於滄海看浩蕩此時情髣髴見三山洶湧波濤驚

晨起

東旭曉瞳矐照我墻角紅  
衰意忽開豁衰顏亦丰茸  
便欲理晨策去遶菊花叢  
惜無會心友一尊清興同

暑退喜秋

頽齡厭濁暑瘦骨便清秋  
蓐收方回鑣灝氣橫九州  
老鶴生精神孤松鬱颺颺  
如飲寒露漿貯以青瑤甌  
既蠲膏肓疾復洗熱惱  
憂斟酌楚人賦併作商聲謳

賦括蒼郡齋

欽定四庫全書

卷一百七十二

括蒼雲水窟刺史神仙宅窈窕九折通髣髴三山隔千  
峰巒崔嵬一派繞清激境淨不可唾崖傾誰敢迫崇桃  
眩春紅積李縞夜月樵唱遞往來漁船時出沒閨招鸞  
鳳侶間訪煙霞客簪玉肌花貌有水光山色使君翫世  
事愛奇忘寢食不憂橐無金自喜足有力欲具航海舟  
從公登山屐早晚歸去來飄然謝朝幘

李仲永墨梅

寫竹如草書患俗不患清畫梅如相馬以骨不以形墨

君曩有丈夫子蟬腹蛇跗具生意當時一派屬蘇公雨  
葉風枝畧相似花光道人執天機信手掃出孤山姿陳  
玄幻却西施面此妙俗人那能知近時賞愛楊補之補  
之嫵媚不足奇李生于梅却有得高處自與前人敵倒  
暈疎花出苦心暝雲暗谷藏春色我一見之三嘆息意  
足不暇形摸索君若欲求之點畫胡不去看江頭千樹  
白

嚴陵釣臺

兩山夾青蒼月照江茫茫陶然酌桂醕孤興發滄浪賢  
哉羊裘翁不肯仕漢光冥鴻已高騫弋者應相忘

兩宋名賢小集卷一百七十二

欽定四庫全書

兩宋名賢小集卷一百七十三

宋 陳思 編

元 陳世隆 補

太倉糴米集一

周紫芝字少隱宣城人紹興中登第歷官樞密院編  
修右司知興國軍自號竹坡居士有太倉糴米集及  
竹坡詩話

晚遊戒珠寺寺王逸少舊宅寺僧秉燭觀王右軍  
畫像出訪鶯墨二池歸已三更

悠悠倦徂征忽忽厭羈旅出門復風埃况乃迫煩暑  
茲遊愜初心突兀見精宇高人昔所廬樹木亦奇古  
微風入冠裳林影散廊廡僧窓靜無塵燈火照眉宇  
閱此坦腹姿鬚髮稀可數樂死固不虛顏色如處女  
平池渺清泉淅瀝過新雨誰言臨池上至技本天  
與鶯羣久已空團扇復何許興盡且當歸夜半月方

吐

遊麻姑觀

清秋禾黍罷南畝幽事少凌晨有佳興振策事輕矯微  
蹤躡飛猿雄跳高木杪上有仙子祠棟宇頗傾橈騰虛  
想雲輶遺像空鳥爪黃冠三四輩生意良草草更欲問  
丹爐雲山遂窮討道人笑不言此意未遽曉但云須趣  
轅山靜虎出早勝踐良獨難仙事亦杳眇了知世俗人  
塵凡隔蓬島

越臺夜雨

夜暗秦淮雨燈昏越女祠寒窓歸夢短秋枕客情知  
鴈初何定雞蟲事亦卑明朝江上去重理釣魚絲

食瓜二首

鄼侯昔微時刀筆一小吏起依日月光勛業高百世  
道大元不容功高亦為累所以韓彭徒累累就庖藏蕭何  
于是時身任天下寄坐安劉季心賴有東陵計東陵固  
明哲避地有深意此物元不凡世俗豈知味此味當自

知不可語兒輩

元和數才子倒指到元白香山詆中奄進寸輒退尺元  
侯躡要途崔子實卵翼兩公賢與愚何啻白與黑二武  
有直氣譏評恣呵斥蒼蠅從何來汙我盤中食想像懷  
昔人撫几三歎息

秋晚

涼月初欣薄露天井梧吹葉又淒然牆根可笑無名草  
依倚秋風翹碧鮮

月向寒林欲上時露從秋後已沾衣微螢不自知時晚  
猶抱餘光照水飛

和人摘茶陸鴻漸茶經云葉如梔子花如白薔薇  
皮日休茶塢詩云好是初夏時白花滿煙雨乃用  
茶經語也蓋茶至著花則晚矣

結廬聞是輞川家更趁東風摘露芽短夢喚回春正好  
枯腸搜盡句方佳酪奴語陋真堪笑瑞草名高豈復加  
明歲莫教烟雨裏白薔薇秀小岩花

次韻姑谿興國寺晚眺

禪房花木有殘紅此地還因曲徑通竹影看搖金瑣碎  
風鈴解語玉丁東人來白鳥橫空處山在先生倚杖中  
絕唱未酬才已盡夜燈搔首鬢如蓬

與松林道人求竹栽

人生殊臭味不異猶與薰歲晚期金蘭矯矯惟此君緬  
懷古招提修竹如雲屯道人淡無與所居竹為羣餘陰  
滿窗戶肯惜為我分他年蝸牛廬淨几橫清芬踈踈便

可意靄靄亦可欣千畝不作侯萬夫寧是軍客問有何  
好仰屋不必言幽徑倘可開遲子日款門

次韻沈彥述官舍書事二絕

幕中從事最能詩恐是當年杜牧之渠為秋娘方覓句  
莫將公事惱痴兒

晚得休文一解顏識君曾是畫圖間陽春白雪無由和  
句有雌霓誦亦難

題趙侯滄江遠岫圖

公子風流絕代無名高當與大年俱自從剪得吳江水  
不愛滕王蛺蝶圖

次韻吳思道贈姑谿道人

殘生擬覓山中伴萬事厭從兒輩談笑我攜家常作客  
羨君買地已成菴早將遼海千年夢換得曹溪一滴甘  
聞與道人新結社懶雲今不是常參

次韻次卿近書二首

故國人空老三吳信不通客猶如社燕書或寄賓鴻鬢

髮風埃裏林廬夢寐中西歸如有意一笑復誰同  
白水彭門道秋風古戰場人應思故國樓更在斜陽消  
息憑魚素遊從問草堂蘭芽知已茁何日見諸郎

晚霽

翠葉看成幄濃春喚不回愁今連落絮雨欲到黃梅埽  
地花狼籍開門燕往來晴峰數點出暝色一禽催

過張參軍故居曲肱亭舊居在馬山谷老人名亭  
且有詩所謂鄰雞呼不起擁將出京畿

老恨愁千斛。饒須粟一囊。遂成遲去魯。還作薄遊梁。客  
思風塵惡。鄉音道路長。何時秣歸馬。看我理晨裝。

遊醉翁亭

醉翁詩裏識滁山。早歲神遊只夢間。雲外淺寒欺短帽。  
馬頭深秀得煙鬟。時攜妓女人猶說。倒著接羅誰與還。  
文物風流今埽地。亂泉空繞玉孱顏。

次韻次卿寄姑谿時欲問舍宛陵

吾亦平生欲執鞭。拜公眉宇記當年。泰和人物真圖畫。

李白風流是列仙  
雪裏已無回棹意  
文中新有卜居篇  
幅中還作谿堂夢  
何日相從句水邊

河魴三絕

水沒江村不見沙  
河魴吹絮荻生芽  
平生所欠但一死  
可更杯中論鎔鋸

釣蓑常恨此盟寒  
兩歲珍庖屢入盤  
細雨春江從此逝  
不應猶棄李鷹官

一飽欣然下箸餘  
庾郎鮭菜復何如  
當時獻納堪憐許

只解區區說鱖魚

次韻李子澤過次卿谿堂二絕

溪雨廉纖作晚晴  
斜川風物喚淵明  
歸來定有新詩句  
醉著烏巾一幅輕

時人但數李北海  
惡客敢過元次山  
笑我不能同一醉  
也來溪上看烟鬟

行邁

秋山淒無風  
木葉寒自萎  
羈客不得歸  
行邁日靡靡  
瘦

馬嘶暮途忍饑渡寒水落日晚更明棲鳥驚復起人生  
各有求誰能異生死行行重行行辛苦那得爾亂石堆  
前轉旋車亦當止饑寒苦見驅臨風一長喟

暮宿

朝行繞山麓暮宿投孤村父老頗見招落日猶在門庖  
煙不滿竈汲水復抱薪為吾炊黃梁一飽裁逡巡百錢  
得香醪湛湛盈清樽吾雖不解飲亦足濡吾唇濯足捫  
飽腹燎衣煖餘薰願言息劬勞少浣塵埃昏殷勤戒鳴

雞未用呼晨暾

次韻次卿鳴琴終日二絕

大音固自元無曲  
綠綺何勞更著絃  
此調最高人不會  
未知今復為誰傳

平生有味在朱弦  
想得清風入指寒  
小閣香消簾不捲  
知君不為俗人彈

端午日小雨已而復晴

斷雲飛雨過平川  
吹作團團碧玉天  
酒綠強能開病眼

條長那解繫流年  
閑收艾葉晴窓外  
忍對榴花白髮邊  
細葛香羅天上有  
烏紗白簾北窓眠

五月七日南堂見楊花

柳深何處可藏鴉  
窻繞長廊綠暗紗  
造物惜春知有意  
薰風時一度楊花

五月八夜月色明甚望麻姑招亭二山

天高月白夜漫漫  
倚杖來看月下山  
老眼直窮烟霧外  
諸峰渾在有無間  
翰林耽酒今何處  
仙女乘鸞去不還

天恐兩山看未足故飛明鏡照孱顏

讀林和靖集書其尾

泉石膏肓挽不回笑看蒿少仕途開暮年封禪無遺藁  
平日江湖只釣臺月自黃昏梅已老鶴無消息客誰來  
吳兒不解高人意秋菊何當薦一杯

次韻劉元亢讀白樂天與劉夢得書

香山天下士直道可事君口語作奇禍後來成積薪巨  
棟雖已捐白壁元自珍百年付春夢千載期斯人可憐

肉食子議者反空唇文華一照耀今古無縉紳才高固  
不世盛德終少鄰鹿鹿數餘子瑣瑣非公倫豐盈與名  
譽詎可鍾一身暮年林壑意觴詠全天真君子與小人  
兩者自此分寄言顏巷徒勿語傷哉貧

五月二十四日避暑東寺折柬邀子容不至

涼飈呼不來惡熱苦難避城南有佳人相望隔秋水願  
言倚瓊瑤相攜謝簪履花木通禪房茶瓜共幽事君方  
從簿書相仍日填委咫尺如參商況乃在千里日暮殊

未來清風為誰起

次韻元亢雨中見寄

窮巷結蝸廬僅有一席廣風雨不出門山林負清賞悵  
懷念幽人道阻不得往瀰漫隔江漢契濶異霄壤清風  
吹句來令我作技癢安得從君遊此意良惘惘

題王定父淑問堂

平生心笑伯州犁羅織雖工不當威莫採黃金鑄刑鼎  
要令青草入園扉于張必大君須記六蓼先忘事恐非

聞說堂成已無訟  
臥看庭樹轉斜暉

次韻元素登城暮歸二首

天遣劉郎又白頭  
少年文學似由求  
朱門華轂聊安命  
藜杖芒鞋可散憂  
大隱未成聊小隱  
濁流誰得置清流  
賦成準擬吾先讀  
王粲秋來正倚樓

晚來飛鞚上城頭  
欲躡華鑣苦末由  
醉裏有鄉須著屐  
人間無地可埋憂  
功名于吾真聊爾  
人物如君無此流  
想對青天回白鳥  
半鉤斜日挂江樓

宿蔣山

薄遊踐初心寓宿便晚靜山空秋有聲人寂夜更永華  
鯨催曉色有客動深省焚香禮大士枝策上危巔黃金  
明窳堵妙音生佛境眼窮天光盡地轉江萬頃緬懷梁  
武帝問法昔造請識師鳥巢中道契言自領大會天龍  
宮金碧燦絕頂我來修法供汲水具乳茗願同桑下留  
覽勝畢餘景還從天際歸悠然理煙艇

次韻元中芭蕉軒

道人悟無生開軒有深意是身如芭蕉妙語良默契婆  
娑坐芳藁聊復此遊戲秋風鳴環佩曉露濕蒼翠閒窓  
得陰多涼簟驚雨細索句清夢餘時能助幽思我亦箇  
中人平生會佳致此樂倘見分杖策時一至

次韻國師對月見懷

老子關門不著書奄奄真復似曹蜍月來林下苦相憶  
詩落眼前歡有餘滿挹清光歸酒面小分秋色到吾廬  
胸中怕塞愁千斛特地煩君一掃除

寄徐季長

念昔桃始華別君漳水頭  
相別幾何時天事司蓐收  
闕月六度圓相見間何濶  
百年飛電中能得幾回別  
別君幾何時憶君如飢渴  
飢渴良有時思君無時節  
野人苦幽獨相值誰與親  
流落在蒼莽坎軻一傷神  
相望參與商相隔雲與泥  
草木忝臭味笑談極相思  
相思一何久行行重回首  
回首征雁行中有來書否

送王天民歸雙泉

舊聞雙泉居縹緲在寥廓仙人在叢霄遺梵結飛閣廣  
庭三百步一木可四角刀圭分蒼虬鱗鬣自皴錯至今  
風雨枝疑有孤棲鶴玉郎吹玉簫飛鳬下雙屩時乘三  
峰雲來遶月城脚人生多乖離未踐繡水約知心念獨  
君時來慰牢落吾欲從之遊何當解羈縛

次韻次卿中秋月下書所見

三載彭門夢新年故國秋月當千里共酒要十分酬翠  
幕知誰捲雙鬢不奈羞寒蟬莫相惱啼作曉窓愁

題大著肚

并引

金陵朱世英官長沙或有畫箕踞而坐者號大著肚舊有贊頌皆鄙語朱為題小詩其上以易之其尾云但將貯酒三千鍾莫話容卿數百輩予愛其語有味更作此詩以廣其意

平生頗笑王會稽坦腹驚動郝家兒暮年羞澀為懷祖計較毫末如兒痴嶽嶽更復笑周郎自說空洞終何為達人觀無不可無鹽未必非西施了知倚杖清言者

外示夷曠中難窺不如此老身如寄萬事稊稜真得計  
掉臂行歌眼看天擁膝長吟腹垂地羞遣家奴捧玉環  
肯為門生作經笥白肥如瓠君莫輕終年貯酒真酒<sub>明</sub>兒  
結喉道士倘復見敢託石鼎譏臃脰

次韻幾聖見詒

梅花雪後有殘枝留與幽人照夕暉已借水光浮淨几  
更將山翠染春衣洄中漫叟移舟去月下淵明種苴歸  
知我短坡無客到肯攜長麈為翁揮

坎止流行念已輕  
常關雖設是吾局  
事如痛定何堪說  
出為飢驅豈有情  
滿座自傾鸛鵲舞  
半巖擬作鳳凰聲  
醉中深意知誰解  
付與前身阮步兵

次韻元素對雪十韻

雲凍風仍急  
天低雪未收  
山寒飛鳥絕  
江晚一蓑幽  
曉樹梅初放  
風簾絮自投  
孤鶩迷遠鶴  
痴立看飢鷗  
樵馬歸鞍速  
韝鷹獵羽道  
連城埋暝睨  
千騎冷貔貅  
何處回蘭棹  
誰人擁釣裘  
閉門憐我病  
得句付君搜  
上瑞書三

白登年在九秋何當明月夜同作廣寒遊

甘菊數本舊植之地沮洳湫隘頗有悴色十一月  
二十三日移植墻下明日小雨數刻欣然便有生

意

小草偷微生崛強沮洳間託根倘失所憔悴無好顏嗟  
哉一大地寧無尺寸閒造物惜不與無乃亦大慳社櫟  
豈不惡盤錯未易班下可百牛蔽上可星斗干此物有  
遠韻何人憫清孱吾移東籬栽往近九畹蘭天心固有

在生理似可還小雨喜霖霖低枝濕爛斑春苗已足采  
落英行可餐為我制頽齡使吾昇飛仙物微自有知報  
君以長年

蠟梅六言三首

剪蠟枝橫隴月釀花蜜滿蜂房誰遣凌寒枝上中含百  
和花香

雲珮風侵玉冷仙裳霧卷羅黃家在蕊珠宮裏衣熏鵲  
尾爐香

桃花占上林，薄蘭正擅離。騷經欲弔花，中遺逸聊尋世。  
外林垆

再賦三首

孤根雅宜幽處空，明宛似僧房。我作蒲團燕坐時，參鼻  
觀微香

淺俗微嫌菊，陋粗疎不愛葵。黃花裏誰方高韻，人中可  
比黃香

移種定從天上世，間那得此香。白髮人應羞看鵲兒酒

可爭嘗

次韻何師與梅花二絕示劉凝遠

月姊宮前玉樹春  
杏花菖葉不同村  
多情誰道天無意  
先與梅花雨露恩

何人急遣蓬萊使  
喚得春回江上村  
誰信廣平心已冷  
老於花似太無恩

兩宋名賢小集卷一百七十三

欽定四庫全書

兩宋名賢小集卷一百七十四

宋 陳思 編

元 陳世隆 補

太倉梯米集二

讀涪翁黔南詩作

阿香名字本無雙  
流落真成竄夜郎  
蚤歲浪言腸似錦  
只今空復鬢成霜  
名傳故國猶驚座  
詩入涪川尚滿囊

天為少陵增秀句故教遷客上瞿塘

次韻元亢和邦師喜具歸自錢塘

道人青眼為君開前度劉郎今又來  
白雨飽催湖上句紅粧誰把醉時杯  
籬邊採菊山千疊渡口呼船溪九迴  
便恐橫翔到蓬閣試尋林下小徘徊

趙丞家野堂

近喜崔斯立新成背郭堂傍崖深置產喚客小飛觴  
稍遣花經眼頻移竹過墻官清公事少夢熟鳥聲長  
藤倚

繆枝瘦芸翻亂葉香騎曹休問馬聲更漫為郎丘壑胸  
中事乾坤醉處鄉人間一遊戲出處兩相忘

次韻元素野步

金堤不復上蹢躅矍鑠何勞強據鞍從我泥中甘蠖屈  
看他高處作鵬搏錦江春色能供醉濠上遊魚亦可觀  
聞有平沙遶晚步定隨明月下林端

姑谿書報錄近作因寄宣毫越簡

五雲書札何時得古錦詩囊久未傾急遣能言管城子

仍煩解事褚先生飽霜穴兔秋方健照雪溪藤搗更精  
南雁去時人尚遠雙魚欲到眼先明

次韻王次卿喜別元亢登第

劉郎才思似春閒文在阿房季孟間盡把胸中著雲夢  
還從筆底看波瀾吾無富貴詢唐舉人說科名汙次山  
馳馬行看歸故物舞衣先喜慰親顏

奉酬韋深道見寄

蓋世功名豈不佳韋郎心事本烟霞秋風自老千章木

春雨誰分一部蛙  
夜鶴正愁雲出岫  
鱸魚會遣客思家  
從君細意論幽恨  
準擬應須到落花

韋深道和詩且以書堅扁舟之約  
僕以禁烟歸埽  
丘墓未暇先寄此詩

闕然不見十年餘  
借屋新來共一湖  
已向雙魚逢尺素  
更因五字得明珠  
子猷心欲隨烟棹  
摩詰居應似畫圖  
會待龐公歸上冢  
便求奴飯馬青芻

次韻章季長題石魚研屏

蒼崖百丈懸江濱江潭下躍吞舟鱗戲將雙影倒挂崖  
石上妙絕始信陽侯神短屏誰為琢山骨與君一障西  
風塵世間百怪那可解清詩宛轉聊窮因問誰幻出水  
底石棹尾鼓鬣波粼粼固應鳳唳與龍尾明窓淨几長  
相親君家機雲好兄弟兩山對峙高嶙峋為貧聊試漆  
園吏手版挂頰心看雲要收江湖入几席釣竿拂水垂  
風綸誰當為我語石魚莫愛浪翻月白千頃江鎔銀但  
願玉堂常伴直對此風流千載人

次韻何丈即席

春風無力柳嫣然花欲爭春作意妍坐上詩成雲態度  
樽前人鬪玉嬋娟鳳簫初暖參差竹檀板遠催大小絃  
惡客正應妨作樂主人渾似孟公賢

次韻子容池亭晚思二首

便到青雲尚黑頭有亭莫賦二宜休如君豈是池中物  
要趣官閒作浪遊

漫叟江頭閒日月輞川圖畫小池亭謝郎春草有新句

付與老人雙眼青

次韻次卿林下行歌十首

風吹蘇小門前柳雨暗羅敷陌上桑  
遙想錦江春色暖  
被花惱得少陵狂

聞道君家隱鹿門竹籬茅屋寄江村  
龐公事業無多子  
只有平安遺子孫

事向閒中種種休春來林下興還幽  
上山雙屐與誰著  
拄杖百錢時獨遊

郡郭東邊是草堂  
巖花時雜澗花香  
愁從把酒杯中少  
日向讀書窗下長

愁多應怪獨醒人  
心事全憑麴米春  
醉後逢花堪一笑  
狂來曳杖却成真

身世無營策最良  
年來幽事不多忙  
飯牛欲起方朝露  
種豆纔歸又夕陽

賣酒留魚只數家  
卜隣元在水之涯  
扁舟定向桃源去  
斜日紅飛兩岸花

人情危甚劍頭炊未可雲鵬笑一枝冠冕窟中元不到  
雲山堆裏復誰知

得酒固應聊獨飲有田何苦不親鉏客來深巷聞雞犬  
便是淵明歸後居

勃窣蹣跚不上隄却來林下小徘徊已知修竹有千畝  
更為桃花求百栽

夜讀艾子書其尾

萬里投荒海一隅八年蜚子與同居可憐金殿鑾坡日

渾在蠻烟瘴雨餘奇怪誰書方朔傳滑稽空著子長書  
不知平日經綸意晚作兒曹一笑娛

婁黥菴納涼

婁黥無骨可封王生事全憑藥一囊閉戶翻經頭已白  
開門延客酒初嘗竹從春後知無數花自山來別有香  
未有數椽容我老聊分一榻借君涼

次韻元杰暑中書事

劉郎家世盡名卿晚歲憐君尚帶經道在莫嫌榆歷歷

詩高何媿草青青杜門不出人應笑與世相違吾獨醒  
誰與林塘共清夜綠荷時照兩三螢

次韻春卿遊黃蘗道場

長安多貴人被服紫寶帶名字垂鼎彝功勲壓嵩岱一  
懷上蔡悲樂事鍾吾輩知君汗漫遊食蛤據龜背若君  
哭痴兒洋洋飛大盖梯空瞰千山閱此烟雨態山空亦  
何有長松颭微籟聊將身世夢淨洗佛祖戒行樂要及  
時幸此無藉在只今况豐年禾黍已旆旆狂風不鳴條

積雨不破塊賞心失幽期  
噬臍有餘悔曉猿倘未驚  
斯遊君弗怪便當買薄田  
往抱躬耕耒

次韻次卿約尋梅二絕

擬摘寒梢一點春  
佩囊無句久生塵  
尋花會得王郎意  
應為江梅似玉人

想得瑤林玉樹春  
高標元自出風塵  
殷勤欲共梅花笑  
却恐梅花解笑人

東牆橘將熟催以長句

木奴嫋嫋半垂墻故慙幽人苦未忙雨細不妨無綠顆  
簾疎時與可憐香誰將磊落黃金顆為付甘酸白雪囊  
只有天公真解事便須先借滿林霜

雪中過慶老方丈

雲滿江天雪意酣擁爐聊復聽巴談老人不出真藏六  
來客何勞說後三已借團蒲搖短夢更澆春餅薦餘甘  
此生試向閒中看何止人間七不堪

次韻同舒天用和元夜三絕

舒郎人物是清流不解葡萄得一州郡守無燈亦行樂  
也隨賓客上江樓

亂離燈火不成春月下歸時有幾人吾老尚堪陪一笑  
世間無似此閒身

遊騎歸來尚半酣一杯誰與甕頭柑小窗夢斷龕燈在  
影落疎梅月上菴

次韻春卿尋梅

霜梅槁立清江濱誰當為挽歸來魂青鞋醉踏江沙路

欽定四庫全書

兩宋名賢小集  
卷一百七十四

八

玉麈簪帽驚王孫臨風想見花有語此郎詞賦如文園  
花開無情落亦易聞香當歎知誰門怕看落地白雪滿  
便恐綴枝青子繁溫風明月不易得繞樹莫放花黃昏  
知君共醉有佳客此意歸來誰與論煩君問花花無恙  
尚堪一笑同清樽

次韻草堂主人雨中十首

反鎖衡門誰復開草堂殊不見兵埃雄風斜卷雲頭去  
雌霓橫遮兩脚回

有家憐我無鄉地好事知君不世情  
借得小窗安淨榻  
卧聽風雨入荷聲

虎頭山下元無路龍骨溪邊尚有窗  
風裏荷花吹不倒  
雨中鷓鴣自成雙

少年結客不思家酒椀春衫白苧麻  
今日江邨烟雨裏  
兵戈滿地鬢雙華

滿溪烟雨濕芙蓉綠葉紅花錦不殊  
聞說宛西橋畔宅  
小園無地不荒蕪

欽定四庫全書

卷一百七十四

醉裏青春挽不留眼前戈甲幾時休溪邊兩細花吹盡  
隴上風寒麥又秋

亂來歲月總如流頭白江村不奈愁老罷此身何處著  
尚堪同倚雨中樓

含桃熟後鶯還語柳絮飛時燕亦忙風物但隨時節好  
不知人意自淒涼

浴鳧飛鷺下橫塘花過鶯歸草自長恰似碧雞坊口望  
浣花溪上一茆堂

避地偷生只閉門不堪搔首對醺樽  
行歌野哭江頭路  
雨葉風花總斷魂

次韻常元明西坑見寄

西坑只在亂山間尋得仇池十九泉  
有句能催千嶂雨  
無人共釣一川烟

送詹伯尹丞涇邑

西溪寒食柳花飛正是琴高欲到時  
薄祿僅酬三釜志  
新篇莫負兩松詩  
催科未辦何妨拙  
作吏能清不用知

高論平生期活國一方疲瘵看君醫

題馮尉綠淨堂

不種平池玉井蓮  
卷簾堂下水如煙  
溶溶自漲晴江綠  
脈脈還通暗谷泉  
誰道馮唐今白首  
始知梅福是真仙  
客來莫唾青銅面  
要看蟾光上下天

明皇羯鼓圖

禁籞鶯聲外  
天袍擁御黃  
曲名翻荔子  
春色繞沉香  
白雨花奴手  
風縈舞馬牀  
向來歌吹地  
何處是漁陽

同仲共兄弟訪趙行可行可置酒

倚杖山頭寺維舟柳下堤莫催金駉裏且醉玉東西亂  
後兵猶滿風驚鳥未栖看君飛動意兩目在鯨鯢

初夏

絮飛長陌又春餘綠滿菖蒲夏已初雙蝶不來花蔌蔌  
一鶯時到樹踈踈平生懶作折楊曲萬事可占長柳書  
只有故山真耐久伴人閒處作踟躕

凌歊晚眺

故鄉南望幾時回落日登臨眼自開倚杖獨看飛鳥去  
開窗忽擁大江來傷心不見姑溪老抱病聊尋宋武臺  
歲晚無人弔遺跡壁間詩在半灰埃

環翠亭

客意常隨倦鳥還翠屏空夢小屏顏更將臨老雙愁眼  
來看平生未見山西子為誰顰遠黛湘娥何事結烟鬟  
千巖萬壑無人處便是輞川圖畫間

睡起有感

日長誰復款幽扉  
睡到斜陽恰盡時  
缺月要圓雲未肯  
青春欲老絮先知  
天於我輩元無分  
夢比人間更不疑  
門外故人千嶂遠  
燈前華髮萬絲垂

次韻伯遠春雪

風寒欲下欺春雪  
天近先垂壓地雲  
堆得樓頭成玉色  
吹來水面作波紋  
憑陵暖日竟何事  
調護新花誰解紛  
溫詔始聞如挾纊  
九重應復念三軍

題趙周賓家夜獵圖

翰林作醉石偶似蒼於菟龍眠見之笑為作匹馬彎雕  
弧云是將軍出夜獵上有仇池行草書雲沙蒼茫日欲  
下道逢伏虎南山隅心知是虎不是石雙弦急控皆盧  
胡明朝白羽飲頑石摩娑欲盡金僕姑君不見賜累千  
金新垣平連佩六印樂將軍致君大略豈在爾封侯細  
事不到君先生言語妙天下瘴海七年皮肉皴邂逅英  
物數蘇季曹蜍如生亦如死龍眠有眼識天人異世同  
成一奇事君當什襲勿漫摹此人此畫人間無

水西壁間見呂居仁絕句次其韻

秋霜落後題詩處  
醉墨淋漓苦未乾  
不見窮愁孟東野  
亂峰空鑠一溪寒

侯元進賦待鳳堂佳句見邀同作

見說封君竹風姿飽歲寒  
會看雙鷺驚飛下碧琅玕  
惡鳥良復厭閒花吹自殘  
絕知門可欺夢對小檀栾

燕欲來巢

亂後烏衣巷已空  
擬尋茅舍伴哀翁  
戲將雛去春風裏

銜得泥歸暮雨中  
炙手不嫌門戶冷  
傍人知獻語言工  
明年記取來時節  
應是桃花滿院紅

次韻元進寒食感事

寒食江天雨弄晴  
夕陽花草一川明  
持杯欲下他鄉泪  
上冢寧無故國情  
漸喜三春逢禁火  
會須五斗解朝醒  
知君屢作東萊夢  
吾亦飄零歎此生

次韻元進病中書懷

一竿烟雨釣羊裘  
稍負初心只自羞  
擬學倦飛雙去鳥

可憐無定一虛舟，未成大隱是小隱。  
為人謀更鬼謀君，有胸中經濟策不須猶說二宜休。

次韻元進書事

七尺看君玉作山，倦遊莫賦鳥知還。  
大椿本是八千歲，天馬終縻十二閑。  
笑我生涯真草草，知公人物未班班。  
他時一枕江南夢，猶記相從水石間。

次韻元素見寄

吾曹心事寄微言，此意難從世俗論。  
妙句已先醒醉夢，

尺書何止到寒溫因緣只睡心情懶習氣惟書眼力昏  
知有草廬能避地滿村烟雨一柴門

小蔡許借徐詩未至

馬中未必無驂騑人中豈可無曹劉龍媒西來幾萬里  
異士一出三千秋李白坐詩竄夜郎退之論佛流潮州  
天公可笑無老眼兩翁憔悴令人愁平生四海黃太史  
長庚配月何曾死西江自是南國紀公有高名正如此  
人言此老酷似舅坐上拈花獨公喜分得西江一派流

萬古正須公一洗吾老耽詩空瘠臞起死鍼育正要渠  
子豈有意能起予書來并寄囊中珠

兩宋名賢小集卷一百七十四

欽定四庫全書

兩宋名賢小集卷一百七十五

宋 陳思 編

元 陳世隆 補

澗泉吟藁

韓琥字仲止元吉之子有高節從仕不久即歸信上  
嘉定中卒有澗泉集

五月十日

嘉定十三年

片月生林白沿流澗亦明幽人方獨夜山寺有微行野  
處偏宜夏貧家不厭晴薰風吹老鬢腐草見飛螢

七月

水石雲山裏歸來已九秋隔城如淺近隣寺始深幽慧  
遠逢修靜文淵說少游徑荒殊不埽風葉上牽牛

地僻稀人跡重林日自虛鳥飛晨氣外蟬噪晚涼初餘  
潤從侵履浮埃倦整書樵漁時上下閉戶又何居

木末芙蓉起亭亭綠且青墻猶承片瓦窗不礙疎櫺次

第花擎蓋縱橫葉展屏石丁誰主者仙豈待沈冥  
擁砌叢生菊何關老意多澆花驚易燥耘草喜成科枕  
腊猶宜睡餐香豈待哦淵明藏不盡滿把尚婆娑

雨多極涼冷

焉知三伏雨已作九秋風木葉涼應脫禾苗潤必豐地  
偏山吐月橋斷水浮空雞犬隣家外魚蝦小市中

晚雨可愛

燈火涼秋夜空山雨到簷吹聲初甚少落勢近頻添籬

欽定四庫全書

兩宋名賢詩集  
卷一百七十五

菊叢叢潤畦蔬種種沾沈思仍靜聽香鼎伴書籤

聞雨涼意可掬

秋聲連夜起秋意雨來時睡覺風生屋涼須水到池交  
遊稀自好出入嬾方宜只被章泉誤書題又寄詩

晚春

幽破疎畦送晚春水流山盡見閒身行吟散去風光好  
熟睡醒來雨氣新木筆豈無濃意態石楠終是淡精神  
鶯聲圓處鶻聲急景物芳菲不負人

辛巳正月十三日

南山春雪未全消路並浮梁步石橋深綠漸歸高柳葉  
淺紅初上小梅梢峭寒寺院鐘聲起昏暮人家燭影搖  
一夜東風吹酒醒夢回花月是元宵

寒食

曉色猶濛淡淡烟花間行過小橋邊人家寒食當晴日  
野老春遊近午天吹盡海棠無步障開成山柳有堆綿  
呼兒覓友尋隣伴看却邨農又下田

九日破曉攜兒姪上前山竚立佳甚

懷玉鏡臺開遠晴靈溪葛水去無聲園荒不礙憑高立  
徑側何須委曲行露氣已濃清可掬日華初出畫難成  
閑居九日依辰至舉俗何為亦愛名

風雨中誦潘邠老詩

滿城風雨近重陽獨上吳山看大江

一作大荒

老眼昏花忘

遠近壯心軒豁任行藏從來野色供吟興是處秋光合

斷腸今古騷人乃如許暮潮聲捲入蒼茫

探梅

簡點山前梅蕊痕花雖未放已銷魂縱饒老幹摧幽谷  
也勝繇華倚市門冷落不成欺歲晚陽和且可待春溫  
清香一噴紅梢滿却月凌風未易論

梅花

今年全未作梅詩與向花前浪品題不分雪霜摧折盡  
尚須天日照臨之靜看冷蘂無人會閒繞孤根只自知  
猶有幽禽解鳴語為予醺酢殆移時

肯同桃李強攬春自占空山野水濱老氣却因高樹得  
清姿不待數花新本來淡雅難從俗縱入紛華已絕塵  
最愛夜深霜重處冷風吹起月精神

春山看紅梅

年年常得醉君家今日紅梅正著花點綴初非桃有艷  
橫斜寧與李爭華依然竹外并林下况復山巔與水涯  
步繞孤根香更在高懷無惜共流霞

澗上朧梅香甚

照眼花枝是臘梅香傳小樹為誰開  
弄陰欲雪山常暝  
破曉終風水漫洄鳥語春聲喧復靜  
鴻飛寒影去還來  
數間敗屋浮橋外何苦無吟不舉杯

梅下

雖得霜濃春自濃野梅無處不為容  
半依古渡迷芳草  
猶占荒山對古松綽約花房宜戲蝶  
崔嵬枝幹若游龍  
角巾一幅支筇久不覺烟中有寺鐘

澗東臨風飲梅花尚未全放一樹獨佳

殘雪餘寒二月來，澗東猶是欲開梅。  
夕陽影澹初尋句，流水聲清更把杯。  
取友喚鄰相領略，破荒尋勝獨徘徊。  
誰能折向南枝醉，一陣寒香撲麝煤。

探梅

探梅山路一杯停，日淡風微遠靄生。  
莫問古來尋古話，只知春近愛春情。  
幾枝冷蕊吟方見，一點疎花畫不成。  
我挾兩兒同二友，老來酒外更何營。

中秋呈潘德父

一年明月在中秋數日陰雲不奈愁  
忽喜新晴轉書室  
極知清夜照歌樓醉當弄影如坡老詩就撞鐘憶貫休  
千里故人應若此吾生常好更何求

書姜堯章昔遊詩後

平生未踏洞庭野一不曾登南嶽峯  
因君談舊遊恍如  
常相從江淮歷歷轉湘浦裘馬意氣傳邊烽  
吾嘗汎大江只見匡廬松乘風醉卧帆影底  
高浪直濺嵐光濃日  
暮泊船時是夜方嚴冬雪花壓船船背重  
纜搖柁鼓聲

如鐘當年意淺語不到無句可寫波濤春君詩乃如許  
景物不易供盡歸一毫端狀若孤飛龍人間勝處貴著  
眼雖有此興無由逢錢塘山水亦自好奈何薄宦難從  
容南高北高一千丈潮頭日夜鳴靈蹤應有隱者為識  
賞青鞵布襪時扶筇君無詫彼我媿此急還詩卷心徒  
忪

懷古

近城人語雜深山人語少重露滴煙嵐野水見魚鳥稻

梁豐稔外耕鑿願溫飽所以桃源人不與外人道

往來是日月變動是寒暑伏臘雖不周爾且對妻子遙  
知風塵表萬象互吞吐所以鹿門人江左不得取

少壯既奚為老矣復難強紫芝未必仙采之亦可餉耆  
耄八九十道可無俯仰所以商山人辭漢寧獨一作復往

兩宋名賢小集卷一百七十五

欽定四庫全書

兩宋名賢小集卷一百七十六

宋 陳思 編

元 陳世隆 補

東溪集

高登字彥先漳浦人宣和間為太學生與陳東等上書乞斬六賊不報紹興二年廷對極言授富川簿轉古縣令以不肯祠秦檜父胡舜陟誣奏下靜江獄會

舜陟以他事下獄死乃得白編管容中卒有東溪集

還山招陳希韓

乾坤莽回互日月相蕩摩百年纔瞬息萬類總么麼是  
身非我有造物如吾何觸事會心少幽棲發興多眷言  
意所適樂此山之阿修篁擢新幹老木榮舊柯谷聲傳  
地籟松韻答天和獨石介而安寒泉淡無波園蔬掇纖  
嫩名菓仍駢羅細薦著雨花碧卷受風荷隨意坐莓苔  
締衣挂薜蘿得酒即酩酊作詩共吟哦嘯長情浩蕩舞

短影婆娑妻孥鹿門趣黃綺商山歌崎嶇路辭遙迢遞  
誰見過交親憶同調出處矢靡他每憐傷弓禽因感赴  
燭蛾自覺此身浮相看雙鬢皤人事何時休歸來勿蹉  
跎

思歸

忽忽已秋杪言歸欣有期節物想吾廬青蘂繁東籬流  
是白雲子鰲甲黃鵝兒對此憶羈旅多應歌式微喜慰  
倚門心愁銷舉案眉稚子開檐隙繞膝牽人衣歸心念

如許兼程猶苦遲  
明朝秋色裏烏帽風披披

冒寒行風雨有感

號風撼桮枿凍雨凝路塵  
乾坤秘日月八荒同一雲  
遙知沙漠寒黯淡愁殺人  
天涯望不極流淚滿衣巾

杜門

故人方謝客為問意如何  
午枕清風足夜窗明月多  
易招惟酒聖難遣是詩魔  
一榻君家事何妨獨我過

夢遊故山

風際颺披鶴雲根杖策鳩幽棲知好在歸夢故難留山  
放數峯出泉分一派流把茆何日辦縛屋護松楸

送元太

但得身長健何妨鬢已華胸藏為錦綉筆走是龍蛇作  
椽只三語讀書空五車卷懷已良計去去卧烟霞

水漲謝邑宰送米

心知一字不堪煮矻矻窮年黃卷中食粥由來未為拙  
儲瓶況乃嗟屢空令君好賢嬾韓愈賤子受賜慚盧仝

春水從教繞舍北癡兒不復啼門東

中秋對月

繡江再見中秋月去歲月圓人尚缺相望千里共嬋娟  
苦恨亭亭照離別今夕一樽誰與同孟光舉案對梁鴻  
衆鷗立侍儼成列以此持杯壽乃翁乃翁看月揩病目  
手足傾頽頭髮禿但願團圓樂三十秋不計東西與南北  
臨別示子

不能枉道取富貴是致爾輩愁飢寒頻年別離情更惡

兩地狼狽心何安  
從人數計安否問  
使吾相思懷抱寬  
平生竊笑曹家兒  
臨岐莫墮雙鬚干

乞米

臣飢欲死侏儒飽  
方朔誰憐是歲星  
館下諸生笑豐  
暖江頭漁父諂  
獨醒魯公已作  
乞米帖陶令旋  
尋儲粟瓶親舊  
依然眼相向故  
應特地為吾青

小源欲歸

潮類香醪暈醉紅  
鞦鼓歸路勒青驄  
水涵萬頃曾孫稼

月逗盈衿少女風大誤生平緣盡足無聊終夜祇書空  
擬將方寸難論事直扣天門問化工

夜行道中

黃茆時節瘴烟濃人在山凹第幾重梁竦負才徒感慨  
嵇康賦性本踈慵此生自斷天休問吾道當年世不容  
會脫幘巾還舊隱鹿門妻子慣相從

言懷

歸去東臯獨荷犂家林書卷有兒持一無可意身將老

百不如人心自知夢寐摩挲元結頌經從省憶少陵詩  
體膚飢盡天難問依舊矐然山澤姿

九日

塞雁南飛度戍樓一聲天地有餘秋家連滄海難窮目  
人在蠻荒欲盡頭莫效涓埃裨國計況無毛髮為身謀  
所須菽水能多少踪跡飄然不繫舟

病中雜興

長袖深藏批敕手短筇斜倚作詩肩有時極目睨遼漢

興在孤鴻落照邊

溶溶瘴霧暗朝暎  
咫尺關山號鹿門  
疾病年年不相貸  
朱顏凋盡赤心存

垂老飄零萬里餘  
肌膚瘦盡鬢毛疎  
皇恩若許歸山去  
豆地雖存不解鋤

不羨雲霄欲網羅  
百年人物總相磨  
死如歸耳生如寄  
造物從今奈我何

九死窮荒一病翁  
曉來尤怯北窗風  
誰知葵藿傾心切

待到日輪升太空

不辭南北任飄零  
俯仰乾坤一草亭  
鳶墮水中從跼跼  
鴻飛天外自冥冥

病損腰圍減未休  
二毛垂領跂先秋  
夢中那復化為蝶  
林下不妨聞鬪牛

口腹相煎亦可羞  
飢來欲食飽還憂  
多藏地下我無用  
須學留侯辟穀不

覓蠹椽

雪寒官冷家乏薪炭與舒丞懇令長至劈酒槽  
孫處可笑亦可憫也

顧影低徊祇自憐怕寒時聳作詩肩全家食粥已數日  
坐客無氈今幾年君劈槽燒當止酒我和琴爨况無絃  
雪中送炭從來事况寫窮覓蠹椽

辭餽金

頃罷官臨慶士民丐留不果乃相與持金贐行  
勤勤之意既不可却復不當受因請買書郡庠

以遺學者作詩謝之

劉君政成俄及瓜闔境歡謠騰載道民不見吏犬無聲  
持以百錢勤父老嗟我官卑志未伸於人何德人稱好  
騰牒當途願丐留餽贍交馳雜金寶天涯百指攜空囊  
號寒啼飢日相惱可取無取未傷廉此念易污惟皓皓  
不如賈書惠泮宮聊助賢侯采芹藻別後青衿倘見思  
窗前黃卷宜探討

七夕

欽定四庫全書

天道杳難憑人言吁不經佳期轉七夕歡事污雙星女  
駭占蛛巧兒痴話鵲靈吾詩非好詆聊與訂頑冥

歸途嘆

孫吳據將略申甫翰王家腐儒要底用歸種東陵瓜

似春閣

一閣寧獨暖萬家方號寒何當放春去和氣滿人間

留別

丈夫四方志肯作兒女別顧我羌崛強羨君真秀發道

義重千鈞利名輕一葉壯風吐虹蜺忠義貫日月揮劍  
露肝膽看鏡念勲業何當拔茅茹同在陳力列

陳少陽贈官

憶昔靖康初厄運會中微嚴警弛邊備長驅鐵馬馳堂  
堂搗京闕百萬呼鼓輦天地為改色日月晦晴迷當宁  
猶未悟聰明遭蔽欺六賊久盤結如山屹莫移故人陳  
夫子忠義根天資拊髀惜機會禍端良在茲吾儕沐厚  
澤顛危合扶持不聞王蠋賢絕脰由布衣書成數千言

揮翰捷如飛明朝伏闕下儒冠翁相隨  
種季奪兵權憤痛社稷危抱書再詣闕  
慟哭聲猶悲天意難遽回人心那惡離  
時雍恣凶暴縱兵欲屠之馬前森利刃  
此時命垂絲腰領兩不顧相視情怡怡  
虎口僅獲脫好爵安能縻俄起故鄉情  
各歸天一涯壯哉歐陽生舍生誠所宜  
聖主圖興復忠誠蒙誅夷宸心頃自責  
疏爵錄其遺君乎死不亡泉壤增光輝  
魂氣鍾慶雲體魄蒸靈芝炎炎英列在  
昭昭星斗垂蘭死則留芳豹死則留皮  
男兒倘

得死一死甘如飴君死逾生榮我生嘆奚為九原如可  
作微君誰與歸



兩宋名賢小集卷一百七十六